



Selasa, 14 Desember 2021
Ogen: Kejadin 2:18



Teman Si Cacak



Cocok labo arus seri. Biasana i bas si erbage-bage ipersada jadi mejile. Umpamana warna baju warna Megara ipake ras rok warna mbiring cocok. labo seri warnana tapi adi ipersada jadi cocock. Soranta rende erbage-bage, lit sora sada, dua entah entah telu. adi sada lagu iendeken alu erbage-bage sora enda ndai jadi cocock. Jadi cocock e ertina harmonis, sempabu, selaras. Beda tapi mejile.

Ba game Dibata njadikan manusia; dilaki ras diberu, beda tapi banci ersada. Dilaki ras diberu mbue perbedanna subuk arah tampilen fisik, sifat, ras karakterna. Secara fisik dilaki lebih tegap, bahu datar, suara besar ras umumna gedangen asa diberu. Adi diberu Tapi kulitnya lebih halus, suara nyaring, pinggang berlekuk ras sidebanna. Karakter dilaki tegas, logikana rusur ipakena, erdahin meter, si iayakina hasil. Adi Dilaki nukur sepatu umumna labo ndekah, 10 menit enggo datsa sepatuna, erga labo masalah man bana, si penting sepatu e enteguh ras mejile. Karakter diberu, buen perasan rusur pakena ras lebih teneng. Umumna erdahin butuh proses ras relasi. adi ku tiga nukur baju labo cukup sada toko si man siaren, tawar menawar erg ape enggo sada jam lebih, baci siarna lima toko lenga datsa atena jadi. I bas sitawarene lit terjalin relasi si mehuli, tambah teman ras kade-kade.

Adi sinen maka mbue bedana dilaki ras diberu. Tapi bage me Dibata mpersadasa gelah kuh, sendep, ras harmonis. Bas perbedan e lit i je saling menutupi, saling melengkapi, rs siergan. Apai pe Dibata si najdikensa, labo lit si ganjang teruken. Duana seri ilebe-lebe Dibata. Kai si ibahan Dibata e mehuli kerina guna keberlangsungan kegeluhen manusia. Si enggo ipersada Dibata e ulania si kataken la cocok. Sabab labo lit si la mehuli ibahanNa. Teman si cocok beda tapi sempabu.